



## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

XXII. Sacerdos infirmum vno tantum praesente clero, vel etiam solus, inungere potest. Item, festum beati Matthiae in anno bissextili, in primo vel secundo die potest celebrari. Item, mulier a viro ...

**urn:nbn:de:hbz:466:1-15588**

ANNO CHRISTI  
1179. tuæ firmitatis obtainere, sub interminatione anathematis  
prohibentes, ne quis præsumptione qualibet, huiusmo-  
di audeat rescindere testamenta. Præterea cum princi-  
pes, &c.

C A P. XXI.

*Idem Carnotensi episcopo, in decimoquarto libro registri. Pars  
illius capituli; Cum sacrosancta Romana.*

Significasti nobis quemdam presbyterum cum alterius  
coniuge diabolico instinctu in ecclesia frequenter, sicut af-  
feris, dormiisse: quæ vtique se & illum sacerdoti cuidam  
huiusmodi delictum confessos fuisse, publice tibi detexit,  
& hoc ipsum idem sacerdos, nomen adulteri celans, in præ-  
sentia tua dixit. Super quo quid fieri debeat, cum negante  
adultero, mulier in confessione persistat, ab apostolica se-  
de consilium requisisti. Nos ergo iuxta sanctorum patrum  
decreta volumus, vt condignam poenitentiam adulteræ  
præfatae imponens, ecclesiam prælibatam per adspersio-  
nem aquæ sanctificandæ reconcilies. Prædicto autem sa-  
cerdoti, ne, contra Apostolum, infirmorum corda, mala  
fama ipsius percutiantur, & ne nostrum vituperetur mini-  
sterium, nec securiores presbyteri existentes prolabantur  
licentius in peccatum, cum vicinis quinque presbyteris,  
quos se nolle peierare cognoueris, iuxta arbitrium tuum  
purgationem indicas. Quod si se purgare poterit, in offi-  
cio suo permittas ipsum ministrare: si vero non poterit,  
ipsum ab officio suo suspendere nulla ratione postponas.

C A P. XXII. *Idem in eodem.*

Quæsiuit a nobis tua fraternitas, vtrum sacerdos vno  
clericu tantum præsente, infirmum debeat inungere: &  
qua die festum Matthiae in anno bissextili debeat obserua-  
ri, præsertim cum quidam inter vigiliam & festum velint  
interponere diem: & vtrum mulier pro latrocinio, aut  
alio quolibet crimine, a viro suo debeat separari, & alii nu-  
bere: & de viro simili modo exposuisti quæstionem, vtrum  
pro quolibet flagitio possit a coniuge sua diuidi, & aliam  
sibi legitimo matrimonio copulare. Nos itaque tibi duxi-  
mus taliter respondendum, quod sacerdos vno præsente  
clericu, & etiam solus, potest infirmum inungere. Festum

1. Cor. 8.

2. Cor. 9.

vero B. Matthiæ iuxta regulam ecclesiasticam vigilia eate-  
nus præcedat, vt nec pro bissexto, nec quolibet alio modo  
inter se & solennitatem admittat alium diem, in qua vti-  
quæ vigilia, nisi eueniat in dominica die, iejunium celebra-  
tur. Ipsum autem festum, siue fiat in præsenti die, siue in se-  
quenti, qui duo quasi pro vno reputantur, nullus error,  
sed ecclesiæ consuetudo teneatur. Quod autem mulier  
pro furto vel quolibet alio crimine a viro separetur, & alii  
nubere possit, & viro similiter eadem lege constituatur:  
taliter respondemus, quod mulier pro furto vel alio crimi-  
ne viri sui, nisi ipse eam ad maleficia sua trahere nitatur, &  
fidei suæ religionem corrumpere velit, non debet ab eo se-  
parari, nec alii aliqua ratione copulari. Verum si coniugem  
suam ad errorem traxerit, & ad maleficium, mulier  
a viro recedere poterit & separari, ita quod ei alii nubere  
non licebit: quia licet separentur, tamen coniuges erunt  
semper. Viris quoque præsens sententia seruetur.

## C A P. XXIII.

*Idem episcopo & archidiacono Vicentino, in duodecimo  
libro registri.*

Perlatum est ad audientiam nostram, quod \* Heremiam filius quondam Lazari, ad partes Constantinopolitanas transiens, ibidem moram per decennium & amplius fecit, & ad Viuianam filiam Eulardi vxorem suam non rediit. Ipsa vero apud bonæ memoriae I. quondam Vicentinum episcopum aduersus virum suum querelam deposuit: & quod eum non posset diutius expectare, nihilo minus allegauit. Episcopus vero, sicut vir prouidus & discretus, parentibus viri mandauit, vt pro eo mitterent, & ipsum ad propria reuocarent. Cumque elapso longo tem-  
poris spatio, prædictus vir ad propria non remearet, epi-  
scopus in conspectu ecclesiæ auditis allegationibus mulie-  
ris, inter eos diuortii sententiam promulgauit, & mu-  
lieri, vt alium virum duceret, plenariam facultatem indul-  
xit. Quia igitur huius rei veritas nobis non constat, discre-  
tioni vestræ per A. S. mandamus, quatenus rem ipsam dili-  
genter inuestigetis, & si vobis constiterit, quod episcopus  
diuortii sententiam inter eos tulerit, filios eius quos de  
Achardi filio quondam Rad. ad cuius copulam auctoritate  
præ-